



Lithographische Werkstatt

Vernissascha

So, 22 d'avrel, 17:00

Exposiziun 22/04/17 – 03/06/17

El luvratori da litografia e gravura el casti da Haldenstein vegnan tecnicas classicas da stampar exequidas. 12 artistas ed artists, che stampan a Haldenstein, exponan a Trun lur novas lavurs graficas. L'exposiziun dat investa en la grafica da stampar actuala, ch'exequescha en differentas tecnicas litografias, gravuras ed entagls en lenn. Las duas fotografias dil flyer presentan ovras da duas artistas che fan part dall'exposiziun, numnadamein Mina Clavuot (sura) ed Agnes Indermaur (sut).



Heidi Jerger

Vernissascha

So, 10 da zercladur, 17:00

Exposiziun 10/06/17 – 23/07/17

Heidi Jerger da Berikon, naschida a Frankfurt, viva dapi 1962 en Svizra. Ella ha luvrau in pli liung temps en la sparta da commerci. La scolaziun e perfecziun en academies d'art en Svizra ed egl'exteriur tras artists enconuschents internaziunalmein duront 25 onns ein stadas fetg impurtontas per ella. Dapi 1992 eis ella enconuschenta pervia da ses aquarels. Oz sviluppescha ella maletgs ord pigments naturals en colligiazioni cun tschendra, rida, sablun e caltschina. Mintgaton ha ella era luvrau egl'exteriur. Dapi 2011 viva Heidi Jerger a Flond e passenta schi bia temps sco pusseivel en siu atelier a Surcuolm.




Reto Cavigelli

Vernissascha

So, 29 da fenadur, 17:00

Exposiziun 29/07/17 – 10/09/17

Reto Cavigelli ei naschius 1945 a Siat, viva e lavura oz a Turitg e Ftan. Reto Cavigelli lavura adina il medem mument vid plirs maletgs. El dat si ina rasada suenter l'otra, enquera, sbetta, metta puspei dalla vart, pren puspei neunavon singuls maletgs ed entscheiva da niev. Entras quella moda da s'avischinar sesviluppeschon cumposiziuns da color, atmosferas, cuntradas, reminiscenzas, che semovan denter realitad e fantasia. El malegia da maniera abstracta ed era figurativa, mintgaton era omisduas il medem mument. El va sia via cunscientamein, senza cumpromiss, adina sin la tscherca dil gest.



Ueli Meier

Vernissascha

So, 16 da settember, 17:00

Exposiziun 16/09/17 – 28/10/17

Naschius 1949 a Bülach, cantun Turitg. Emprendissadi da dessignader scientific alla scola d'art applicau a Turitg. Duront siu studi eis el separticipaus all'ovra da tablas per cerclem dalla firma Ciba-Geigy ed ha recaltgau gronda experientscha egl'art d'aquarellisar. Ei dat strusch tematicas ni tecnicas da malegiar e stampar cun las qualas el ha buca gia fatg enconuschientscha. Dapi 1993 habitescha el cun sia famiglia en ina casa da Gualsers a Tenna GR, nua ch'el ha era endrizzau siu vast atelier. Tochen ussa ha el giu numerusas exposiziuns en Svizra, Tiaratudestga ed en siu atelier.





MUSEUM SURSILVAN
CUORT LIGIA GRISCHA TRUN
Via principala 90
Caum postal 76
CH-7166 Trun

Uras d'avertura

Dils 22 d'avrel – 31 d'october 2017
Gliendisdis, mesjamna, sonda e
la 2. e 4. dumengia dil meins
14.00 – 17.00

Informaziuns:

Dora Candinas, tel. +41 81 943 11 39
www.trun.ch



Museum Sursilvan Cuort Ligia Grischa Trun



**2017 muossa il Museum Sursilvan era
aunc ina exposiziun speciala davart *Martin
Martini* (1565 – 1610), fravi d'aur e gravader
d'irom, oriunds da Trun/Zignau.**



*Il museum metta era a
disposiziun bialas localitads
per nozzas civilas,
sentupadas da classa,
sesidas, aperitivs eav.*

Exposiziuns 2017